

# **REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 20-05-2025**

**Mødedato** Tirsdag d. 20. maj 2025 kl. 11:30

**Mødested** Kommunalbestyrelsesip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Oqartussaaffeqarfimmik aaqqissuusseqqinneq - Meeqqanut Ilaqutariinnullu Ingerlatsivik.....	6
Meeqqanut Ilaqutariinnullu Ingerlatsivimmi kisitsisit pingaarnerit: Ukioq 2024.....	9
Isumaginnittoqarfimmit inissianut innersuussisarneq pillugu ilisimatitsineq 2024.....	12
Inatsisartut Ombudsmandiannit kiisalu Isumaginninnermi Naammagittaalliuteqartarfimmit saaffigi	15
Sammissassaqtitsivik Kulturillu ukiup affakkuutaartumik ilisimatitsissutaa 2024.....	20
Najukkami Tapiissuteqartarfiup 2024-mi aningaasaliissutinik atuinera.....	22
2024-mi imminut toqunnissamik pinaveersaartitsinermit aningaasanik atuineq.....	25
Ukioq atuarfiusoq 2023/2024 pillugu atuarfiit ataatsimoorlutik pitsaassuseq pillugu nalunaarusiaat..	28
Kommuneqarfik Sermersuumi ataatsimoortunik atortussanik pilersitsineq.....	31
Kommuneqarfik Sermersuumi sammissassaqtitsinermit allagartamik pilersitsineq.....	34
Tapiissuteqarnermut malittarisassanut allannguissamut siunnersuut.....	37
Ukiumi atuarfiusumi 2025/2026-mi ilinniartitsisunik pisariaqtitsinerup misissuiffigeqqissaarnera.	40
Amarngivat Kulusuk – meeqqanut inuusuttunullu ornittagaq.....	43
Lukket.....	46
Lukket.....	47
Tamalaat.....	48
Imaqarniliap akuerineqarnera.....	49

## **Punkt .: Saqqaa**

### **Ilaasortat:**

Arnanguak Steenholdt (IA)

Ida Julie Andersen (IA)

Doris J. Jakobsen (S)

Laura Tãunajik Uitsatikitseq (S)

Poul Petersen (D)

### **Beslutning**

#### **Ataatsimeeqataasut:**

Arnanguak Steenholdt (IA)

Ida Julie Andersen (IA)

Doris. J. Jensen (S)

#### **Attaveqaatitigut peqataasut:**

Poul Petersen(D)

Laura Taunâjik Uitsatikitseq (S)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# Punkt .: Nalunaarutit

## Beslutning

### Meeqqanut Atuarfeqarnermullu Ingerlatsivik:

- Sammisassaqartitsinermut Kultureqarnermullu fagchefti nutaaq ilisaritinneqarpoq, Pipaluk Lynge Berthelsen
- Atuarfiup nutaap killiffia pillugu ilisimatitsissut. Atuarfimmur nutaamut Atuarfik Inussummut matuersaatit suli ingerlatsivimmiit utaqqineqarput. Ukiup atuarfiusussamut atuarfiup piareersimanissaanut illuatungeriinnit tamanit ilungersuutigalugu sulissutigineqarpoq. Maannakkut ASK aamma USK atorpavut. Atuarfiit illutaasa ataavartumik pitsannorsarneqarluartut iluini silaannaq pissutaalluni pitsaanerpaanngillat.

### Meeqqanut Ilaqutariinnullu ingerlatsivik:

- Fagchefen Cecile Jeremiassen (Indsatsområdet) julip naanerani utoqqalinersiaqalissooq, tassungalu atatillugu taartissarsiunermi atorfinnissamut ataatsimiisitaliaq sulisussarsiorsimavoq. Taartsissarilerpaalu Maliina Junge Jørgensen 1. maj atorfinippoq. Cecilillu atorfimmur isersaarneranut ikiorpaa piareersarlugu juni qiteqqunnissaata tungaanut.
- Fagchef Susanne Frandsen (myndighedsafdeling) april naanissaanut soraarniuteqarnikuuvoq. Atorfinitsitsiniarnermilu ataatsimiisitaliaq qinnuteqartuni aaliangiussimavaat massakkut afdelingslederit atorfilik Eva Kristiansen 1. juni fagchefit atorfimmasoq.
- Paamiunut fagchefissarsiorneq sisamariarluni saqqumisinneqaraluareertoq atorfinitsitsiniarnermi ataatsimiisitaliaq naleqquttumik nassaarsimanngilaq. Taamaammat 1. april 2025 aallarnerfigalugu Karen D. Jensen ukioq ataaseq atorfeqarallarnissaanik aqutsisut aaliangersimapput.
- Politikkerit Meeqqanut Ilaqutariinnullu ingerlatsivimmut tunngasunik nalunaarutigisariaqartunik naammattuugaangamik ingerlatitseqqiiniaraangamillu nassiussivigisassuaat [meeqqavut@sermersooq.gl](mailto:meeqqavut@sermersooq.gl) udviklingschef arorfimtsitsinikuuvugut pr 1. maj Camilla Melgaard Jensen teamlederit myndighed ataani atorfeqarnikoq.

# **Punkt 1: Oqartussaaffeqarfimmik aaqqissuusseqqinneq - Meeqqanut Ilaqutariinnullu Ingerlatsivik**

## **Beslutning**

Ilisimatitsissut tusaatissatut tiguneqarpoq.

## **Bilag**

Aaqqissugaaneq pisoqaq

Aaqqissugaanerup titartagartaa nutaaq



# Oqartussaaffeqarfimmik aaqqissuusseqqinneq - Meeqqanut Ilaqutariinnullu Ingerlatsivik

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititaliamut inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Meeqqanut Ilaqutariinnullu Ingerlatsivimmit matumuuna Meeqqanut, Ilaqutariinnut Atuartitaanermullu Ataatsimiititaliamut Oqartussaaffeqarfimmi aaqqissuussaaniikkut pingaarutilimmik allanngineq ilisimatitsissutigineqarpoq, marsip ulluisa 31-anni 2025-imi atuutilersoq. Aaqqissuussaannermi allanngineq naammassineqarpoq, sullissinermi pitsaassutsimik qaffaanissaq eqqarsaatigalugu aammalu siunnerfilimmik, immikkut ilisimasaqarfiusumik aammalu innuttaasunut qanittumik meeqqanut ilaqutariinnullu tapersersuiffiusumik.

Aaqqissuussineq pisoqaq:

Siullermik aaqqissuussineq – kingullermik immikkoortortami pingasunik aqutsisoqartoq ataatsimillu suleqatigiinnut aqutsisoqartoq – naleqqutinngitsutut paasinarsivoq aammalu suliatigut ingerlatsinikkullu ilungersunartorsiorfiulluni. Siunnersuisarfimmit Komponent-imit nalilersuineq, innersuussinerit aammalu sulisut immikkut sammisaqarfiusumik peqataatinneqarnerisigut oqaloqatigiinnertalimillu ataatsimiittarnerit tunngavigalugit, nutaamik aaqqissuussaaneq atuutilersinneqarpoq.

Nutaamik aaqqissuussaannermi immikkut ilisimasallit sisamaasut atuutilerput:

1. Suliassanik tigooraaneq, siunnersuineq ilitsersuinerlu
2. Meeqqanut angerlarsimaffiup avataanut inissinneqartartunut suleqatigiit
3. Ilaqutariinnut suleqatigiit ilaatigut suliniuteqareernermi sullissineq ukkataralugu
4. Angajoqqaarsianut suleqatigiit meeqqat angerlarsimaffiup avataanut inissinneqartut ukkataralugit, tassanilu peqatigitillugu atorfiit marlunnik ilaneqarput angajoqqaarsianik sullissineq nukittorsarniarlugu

Suleqatigiit tamarmik maannakkut immikkoortortami aqutsisoqarput aammalu suleqatigiinnut aqutsisoqarlutik ersarissumik aqutsisoqarnissaq suliatigullu qanimut siunnersueqatigiittarnissaq qulakkeerniarlugu.

Sunniutissat naatsorsuutillu:

Aaqqissuusseqqinnermi qitiusumik anguniagaavoq sullissut sulinerminni atugaasa pitsanngorsaaviginissaat sullissinermi pitsaassutsimik qaffasaanissaq. Siornatigut sulisut amerlasuut amerlasoorpassuarnik suliaqarlutik sulisarput, amerlasuutigit inuk ataaseq 60-90-inik suliaqartarluni. Nutaamik aaqqissuussinermi suliat amerlassusaat appartinneqarpoq, sullissoq ataaseq 20-it 35-llu akornanni suliaqarluni. Taamaaliornikkut makkuninnga periarfissaqartoqalerpoq:

- suliatigut itisiliinerunissaq
- sulianik pitsaannerusumik malinnaaffiginninneq
- meeqqanut ilaqutariinnullu patajaannerusumik tamakkiisumillu suliniuteqarneq
- sulisut sulinerminni atugarisaat attassiinnarnissaallu nukittorsarneqarpoq



Inerniliineq:

Nutaamik aqqissuusseqqinnermi pingaarnertut anguniagaavoq 2025 – 2035-mut Meeqqanut Ilaqtariinnullu politikkimi anguniakkanik piviusunngortitsinissaq, tassunga ilanngullugit suliatigut ilisimasanik pitsanngorsaaniissaq, siusissukkut suliniuteqarneq aammalu innuttaasunik pitsaanerumik sullissineq. Nutaamik aqqissuusseqqinnermi suliat pitsaanerumik tamakkiisumillu aqqinneqartarnissaannut iluaqutaassasoq naatsorsuutigarpuit - sulisunut innuttaasunullu iluaqutaasumik.

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviumik uppersaatillit**

- Meeqqanut Ilaqtariinnullu Politikki – 2025 - 2035

**Ilanngussat**

1. Aqqissugaaneq pisoqaaq
2. Aqqissugaanerup titartagartaa nutaaq

## **Punkt 2: Meeqqanut Ilaqutariinnullu Ingerlatsivimmi kisitsisit pingaarnerit: Ukioq 2024**

### **Beslutning**

Ilisimatitsissut tusaatissatut tiguneqarpoq.

### **Bilag**

Kisitsisit pingaarnerit misissueqqissaarnerlu

Statistikki Kisitsisitigut paasissutissat 2024

## Meeqqanut Ilaqutariinnullu Ingerlatsivimmi kisitsisit pingaarnerit: Ukioq 2024

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

### Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Meeqqanut Ilaqutariinnullu Ingerlatsivimmit ukioq 2024-mut kisitsisit pingaarnerit saqqummiunneqarput.

#### Takussutissiaq 1: Ulloq unnuarlu paaqqinnittarfinni inissinneqartut:

1. kvartali 2024-mi annikitsumik allannguuteqartarlutik 208-t angerlarsimaffiup avataanut inissinneqarsimapput (februaarimi 209-t, marsimi 206-it).
2. kvartalimi juunip qaammataani 204-nut ikileriarsimasut takuneqarsinnaavoq.
3. kvartalimi piffissap aallartinnerani 205-inut amerlipput, agguaqatigiissilluguli januaarimiit septembarimut 204-nik amerlassuseqarput.
4. kvartalimi amerliartornerat nikerarsimapput, agguaqatigiissillugillu 207-it angerlarsimaffiup avataanut inissinneqarsimapput.

Eqikkaaneq: Qaammatit ingerlaneranni annikitsukik nikerarlutik meeqqat angerlarsimaffiup avataanut inissinneqarsimasut amerlassusaat allanngorarsimangillat. 1. kvartalimit 2. kvartalimut ikilerialaarsimapput, 3. kvartalimilu 4. kvartalimilu amerlerialaarlutik. Taamaattorli 3. kvartalimi 4. kvartalimilu 1. kvartalimit amerlassusaat ikinnerullutik.

Meeqqanut inuusuttunullu innarluutilinnut kisitsisit aamma allanngorarsimangillat. Januaarip qaammataani 23-ullutik amerlanerpaasimapput, maajimi 9-nut ikileriarlutik, septembarimi 17-imut amerleriarlutik decembarimilu 15-inut ikileriaateqarlutik.

#### Takussutissiaq 2 aamma 3: Ilaqutariit paarsisartunut meeqqat inissinneqarsimasut:

Ilaqutariit paarsisartuni meeqqat inissinneqarsimasut januaarimi 163-iniit juulimi 200-nut amerleriarlutik septembarimi 193-inut ikileriaateqarput. Amerlassusaat ikiliartornerat ingerlaannarsimapput decembarimilu 180-inut inerneqarlutik.

#### Takussutissiaq 4: Ilaqutariit paarsisartut amerlassusaat:

Nuuk: Januaarimi ilaqutariit paarsisartut amerlassusaat 58-imiillutik aallartipput, maajimi 63-inut amerlipput septembarimilu 47-nut ikileqqillutik. Amerlassusaat qaammammut ilaqutariinnik ataatsimik ikilisarput, taamaalilluni ukiup naanerani 44-nik amerlassuseqarlutik inerneqarput. Tasiilami januaarip qaammataani ilaqutariit paarsisartut januarimi 44-niit juulimi 55-inut amerleriaateqarput. Tassanngaanniit septembarimi 53-inut ikilipput, oktobarimilu 50-inut ikileqqillutik. Novembarimi 52-inut amerlipput, tamannalu decembarimi allannguuteqanngilaq.

Paamiuni angajoqqaarsiat paarsisartut januaarimi tallimanit septembarimi 10-nut amerliartuaarput. Oktobarimi 11-mut amerleqqipput, 11-inulli ikileqqillutik, novembarimilu decembarimilu taamaaginnarlutik.

Ittoqqortoormiit ilaqtariit paarsisartut ukioq tamaat 1-iullutik amerlassusaat allanngoranngillat. Illoqarfinni tamani inuussutissarsiutigalugu angajoqqaarsiat januaarimi arfiniliniit decembarimi sisamanut ikilipput.

Takussutissiaq 5: Meeqqat inuusuttullu Suliniuteqareernermi malinnaaffigineqartut:

Kisitsisitigut paasissutissani januarimiit septembarimut 0-imik allassimapput, oktobarimi arfiniliniit amerlillutik novembarimilu decembarimilu tallimanut ikileriaateqarlutik.

Misissueqqissaarnermik suliat nalunaarsorneri aamma pisunut peqqutaasut ilanngussani atuarneqarsinnaapput.

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppernarsaatillit**

- Meeqqat tapersorsorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 11, 16. marsi 2024-meersoq.

**Ilanngussat**

1. Kisitsisit pingaarnerit misissueqqissaarnerlu
2. Statistikki Kisitsisitigut paasissutissat 2024

## **Punkt 3: Isumaginnittoqarfimmit inissianut innersuussisarneq pillugu ilisimatitsineq 2024**

### **Beslutning**

Ilisimatitsissut tusaatissatut tiguneqarpoq.



# Isumaginnittoqarfimmit inissianut innersuussisarneq pillugu ilisimatitsineq 2024

Ilisimatitsissut

SagsID.: EMN-2020-28184

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Meeqqanut Ilaqutariinnullu Ingerlatsivimmit isumaginnittoqarfimmit inissiat pillugit ilisimatitsissut saqqummiunneqarpoq aamma Suliffeqarnermut Isumaginninnermut Ingerlatsivimmit ataatsimiititanut attuumassuteqartunut ilisimatitsissut assingusoq saqqummiunneqassaaq. Ilisimatitsissummi maannakkut utaqqisut allattorsimaffiat kiisalu 2024-mi inissiat tunniunneqartut amerlassusaat takutinneqarput.

Kommuneqarfik Sermersuumi innuttaasut pisariaqartitsisut piumasaqaatit aallaavigalugit initaarsinnaatitaasutut nalilerneqartut isumaginninnikkut inissianik tunineqarsinnaapput.

Nuummi Inissiaqarnermut tulleriissaarisartut (BVU), Meeqqanut Ilaqutariinnullu Ingerlatsivimmit aamma Suliffeqarnermut Isumaginninnermullu Ingerlatsivimmeersunik ilaasortaqaartut innersuussisarnermi nalilersuutit malillugit nalilersuisarput tunniussisarlutillu. Kommuneqarfik Sermersuumi illoqarfinni tamani, tassunga ilanngullugu Ittoqqortoormiini, Tasiilami aamma Paamiuni BVU ataaseq pilersinneqarnikuuvoq. Ilaasortat katitigaanerat assigiinngisitaarsinnaavoq, 2018-imili ileqqorequsat malillugit assigiinnik pingaarnertut najoqqutassaqarput.

Inissiaatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik kommunimut saaffiginnittarput. Tamatuma kingorna inissiaq innuttaasumut utaqqisut allattorsimaffianiittumut tunniunneqartarpoq. Kommunip inissiat atorneqanngitsut 25 %-ii isumaginninnikkut inissiatut neqeroorutaasussanngorlugit Iserit isumaqatigiissuteqarfigaa.

Inissiaqarnermut tulleriiaarisartut isumagisassaraat:

- isumaginnittoqarfik aqqutigalugu inissianik agguaatassanut qinnuteqaatit akuerisat pingaarnersiukkat pillugit utaqqisut allattorsimaffiannik suliagarneq nutarterinerlu.
- utaqqisut allattorsimaffianni qinnuteqartut ataasiakkaat pingaarnersiorneqarnerat pillugu tulleriiaarilluni ingerlaavartumik isummerfiginninneq.

Ilisimatitsissutitut massakkut kisitsisit imaapput:

<b>Illoqarfik</b>	<b>Suliffeqarnermut Isumaginninnermullu Ingerlatsivimmi utaqqisut allattorsimaffianiittut amerlassusaat</b>	<b>Illoqarfik</b>	<b>Meeqqanut Ilaqutariinnullu Ingerlatsivimmi utaqqisut allattorsimaffianiittut amerlassusaat</b>
Nuuk	25	Nuuk	72



Paamiut	12	Paamiut	10
Tasiilaq	11	Tasiilaq	2
Ittoqqortoormiit	0	Ittoqqortoormiit	0

2024-mi inissiat tunniunneqartut amerlassusaat, illoqarfinnut, inissiaatileqatigiiffinnut ingerlatsivinnullu agguataakkat:

Illoqarfik	Iserit		Ini		Katillugit
	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	Meeqqanut Ilaqutariinnullu Ingerlatsivik	Suliffeqarnermut Isumaginninnermullu Ingerlatsivik	
Nuuk	15	7	4	3	<b>29</b>
Paamiut	0	0	3	2	<b>5</b>
Tasiilaq	2	0	0	0	<b>2</b>
Ittoqqortoormiit	0	0	1	0	<b>1</b>
<b>Katillugit</b>	<b>17</b>	<b>7</b>	<b>8</b>	<b>5</b>	<b>37</b>

**Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

**Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatiillit**

- Inissiat attartortittakkat pillugit Inatsisartut peqqussutaat nr. 2, 12. maaji 2005-imeersoq
- BVU pillugu ileqqoreqqusaq 2018-imeersoq

**Ilanngussat**

Ilanngussaqaanngilaq.

**Punkt 4: Inatsisartut Ombudsmandiannit kiisalu Isumaginninnermi Naammagittaalliuteqartarfimmit saaffiginnissutit naatsorsorneqarnerat pillugu ilisimatitsisut**

**Beslutning**

Ilisimatitsissut tusaatissatut tiguneqarpoq.



# Inatsisartut Ombudsmandiannit kiisalu Isumaginninnermi Naammagittaalliuteqartarfimmit saaffiginnissutit naatsorsorneqarnerat pillugu ilisimatitsisut

Ilisimatitsisut

SagsID.: EMN-2023-04309

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamat inassuteqaatigineqarpoq:

1. ilisimatitsisut tusaatissatut tiguneqassasoq

## Suliassamik saqqummiussineq

Innuttaasup takuneqarluni, tusaaneqarluni paasineqarlunilu misigiurnissaa Kommuneqarfik Sermersuup kommunimi innuttaasunik sullissinermik suliaqarnerata ilagaa

pingaaruteqarluinnartoq. Isumaginninnermi Naammagittaalliuteqartarfiup aamma Inatsisartut

Ombudsmandiata saaffiginnissutigisartagaat suliaapput innuttaasut takuneqaratik, tusaaneqaratik paasineqaratilluunniit misigisaannut tunngasut.

Meeqqanut Ilaqutariinnullu Ingerlatsiviup 2024-mi Isumaginninnermi

Naammagittaalliuteqartarfimmit kiisalu Inatsisartut Ombudsmandianit saaffiginnissutigineqartut

kisitsisitigut nalunaarsorpai. Ingerlatsivik naammagittaalliuteqartoqarnerani sullivanik

Isumaginninnermi Naammagittaalliuteqartarfimmit 2024-mi arfinilinnik tigusaqarpoq. Innuttaasut

naammagittaalliutaannut tunngasunik sullivanik katillugit 19-inik ingerlatsivik Inatsisartut

Ombudsmandiannit 2024-mi tigusaqarpoq.

## Isumaginninnermi Naammagittaalliuteqartarfik

Isumaginninnermi Naammagittaalliuteqartarfimmit saaffiginnissuteqarnerit arlallit Kommuneqarfik

Sermersuup aamma Isumaginninnermi Naammagittaalliuteqartarfiup akornanni

oqaloqatigeeqattaarnermik kinguneqartitsippat. Oqaloqatigeeqattaarnerit naatsorsuinnermi

ilanngunneqanngillat.

Suliat ilaat ataaseq innuttaasumut kommunit marluk akornanni nuuttaqattaarsimasumut

tunngasuvoq. Isumaginninnermi Naammagittaalliuteqartarfimmit nalilerneqarpoq, kommune

naammagittaalliutigineqartut taaneqartut pillugit arlaannaatigulluunniit aalajangiisuusinnaanngitsoq,

kommunitummi inissiisuunikuunngimmat. Suliami allami aamma saaffiginneqattaarnerit pinikuusut

Isumaginninnermi Naammagittaalliuteqartarfiup kommune aningaasanik tapiiffigitinnissamat

tunngasumik itigartitsisimaneranut ilalerpaa.

Innuttaasut ilalerneqanngikkaangamik takuneqartut, tusaaneqartut paasineqartutullu

misigiuminaatsittarpaat. Suliani taama ittuni aalajangiinnermut allakkat tamakkiisuunissaat

tunngavilersorluagaanissaallu immikkut pingaartillugit suliaqartarnissaq ingerlatsiviup qitiutissavaa,

taamaalilluni innuttaasup suliami naak ilalerneqanngikkaluarluni naapertuilluartumik sullinneqarni

misigissammagu.



### Inatsisartut Ombudsmandiat

Inatsisartut Ombudsmandiannit suliat annerusumik sullissinnermut tunngassuteqarput, ilaatigut sulisut napparsimaneq pillugu sulinnginnermik imaluunniit taarsersimanermik patsiseqartumik aalajangiinerit innuttaasumut pingaaruteqartut allakkatigoortinneqartarsimannginnerinut kiisalu allattuisussaataitanermik malinninngissimanernut tunngasut.

Isumaginninnermi Naammagittaalliuteqartarfimmut kiisalu Inatsisartut Ombudsmandianut naammagittaalliutigineqartartut naatsorsornerisigut takuneqarsinnaavoq, innuttaasut amerlasuut Meeqqanut Ilaqutariinnullu Ingerlatsivimmik ataatsimeeqateqarnerminni takuneqartutut, tusaaneqartutut paasineqartutullu misigisartut. Naatsorsuutinit aamma ersersinneqarpoq, suliiani innuttaasut naapertuutinnngitsumik sullinneqarsimasutut misigisimasartut, pingaartumik aalajangiinerit tunngavilersorneqarsimanngikkaangata. Ingerlatsivimmi aalajangerneqarpoq, sullissinnermi aamma pitsaasumik ingerlatsisussaannermi piginnaangorsaaneq sallinneqassasoq, taamaalilluni suliat Isumaginninnermi Naammagittaalliuteqartarfimmeersut aamma Inatsisartut Ombudsmandianneersut ikilisinneqarlutik. Ingerlatsivimmi aalajangerneqarpoq, naammagittaalliutinut tunngasunik kisitsisinik paasissutissat atorlugit nalunaarsuisarneq ingerlatiinnarneqassasoq, taamaalilluni sutigut pitsanngorsaasoqartariaqarnerneq ingerlatsivimmiit malinnaaffigineqarsinnaaniassammat.

<b>Piffissami januaarip aallaqqaataaniit 2024 decembarip 31-annut 2024 suliat</b>	<b>Amerlassu sii</b>	<b>Naammagittaalliutit suliassaqarfinnut sorlernut tunngasuuppat</b>	<b>Naammagittaallionermut patsisaasut</b>
<i>Isumaginninnermi Naammagittaalliuteqartarfik katillugit</i>	6	<p>Suliani pingasuni pineqarpoq, angerlarsimaffiup avataanut inissiinerit</p> <p>Suliat marluk aningaasatigut tapiiffigineqarnissamut tunngasuuppat</p> <p>Suliaq ataaseq meeqqamik peqateqannginnermut tunngasuuvoq</p>	<p>Suliat pingasut angerlartitsinissamut itigartitsinernut tunngasuuppat, suliaq ataaseq suli ingerlavoq</p> <p>Suliaq ataaseq aningaasatigut tapiiffigineqarnissamut itigartitsinermut tunngasuuvoq</p> <p>Suliaq ataaseq paarsinermusianik qaffaavigineqarnissamut itigartitsinermut tunngasuuvoq</p> <p>Suliaq ataaseq meeqqamik peqateqannginnermut tunngasuuvoq (meeraq inissinneqarnikuunngilaq</p>

			anaanaminili najugaqarluni)
<i>Inatsisartut Ombudsmandiat katillugit</i>	19	<p>Suliat arfinillit angerlarsimaffiup avataanut inissiinernut tunngasuupput</p> <p>Suliat marluk ikorfartorteqarnissamut qinnuteqaatinut tunngasuupput</p> <p>Suliat marluk ajornartoornermi ikiugasuarnernut tunngasuupput</p> <p>Suliat sisamat nammineq ingerlatsinernut tunngasuupput</p> <p>Suliaq ataaseq meeqqerivimmiittuuteqarnernut akiliummut tunngasuuvoq</p> <p>Suliat marluk sulianut allagaateqarsimannginnermut tunngasuupput</p> <p>Suliaq ataaseq qisuariartoqarsimannginneranut tunngasuuvoq</p> <p>Suliaq ataaseq isumaginnittoqarfik aqqutigalugu inissiamut tunngavog</p>	<p>Suliat arfinillit angerlartitsinissamut allakkatigut nalunaaruteqarsimannginnernut tunngasuupput</p> <p>Suliat marluk ikorfartorteqarnissamut qinnuteqarnermi akineqarsimannginnermut tunngasuupput</p> <p>Suliat marluk ajornartoornermi ikiugasuarnermik ikorneqarsimannginnermut tunngasuupput</p> <p>Suliaq ataaseq meeqqerivimmut akiliisimannginnermut tunngasuuvoq</p> <p>Suliaq ataaseq innuttaasup saaffignissutaanut akissuteqarsimannginnermut tunngasuuvoq</p> <p>Suliaq ataaseq isumaginnittoqarfik aqqutigalugu inissamik qinnuteqarnermi akineqarsimannginnermut tunngasuuvoq</p>

**Ingerlatsivimmit aningaasatigut sulisoqarnikkullu naliliinerit**  
Pisariaqanngilaq.

**Suliffeqarfimmut Kiffartuussivimmit aningaasatigut naliliineq**  
Pisariaqanngilaq.



### **Inatsisitigut tunngavissaq allakkallu tunngaviusumik uppersaatillit**

- Inatsisartut meeqqat tapersorsorneqarnissaannut inatsisaat nr 20, 26 juni 2017-imeersoq
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq

### **Ilanngussat**

Ilanngussaqaqqangilaq.

## **Punkt 5: Sammisassaqtitsivik Kulturillu ukiup affakkuutaartumik ilisimatitsissutaa 2024**

### **Beslutning**

Ilisimatitsissut tusaatissatut tiguneqarpoq.

### **Bilag**

Sammissassaqtitsinermut Kulturimullu Immikkoortortamut ukiup affakkuutaartumik ilisimatitsissut 2024

## **Sammissassaqaartitsivik Kulturillu ukiup affakkuutaartumik ilisimatitsissutaa 2024**

2024-mi ukiup affaani kingullermi Sammissassaqaartitsnermi Kulturimullu suliasaqaarfimmi sammissassaqaartitsinerit

Ilisimatitsissut

SagsID.: EMN-2025-00153

Meeqqanut Atuarfeqaarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqaarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### **Suliasamik saqqummiussineq**

Meeqqanut Atuarfeqaarnermullu Ingerlatsivimmit Kommuneqarfik Sermersuumi sammissassaqaartitsinermit kulturimullu suliasaqaarfimmi sammissassaqaartitsinerit pillugit ukiup affakkuutaartumik ilisimatitsissutigineqartarput. Uani ilisimatitsissummi Nuummi, Paamiuni Ittoqqortoormiinilu Sammissassaqaartitsinermit Kulturimullu immikkoortortaqaarfik pineqarpoq. Ilisimatitsissummi 2024-mi ukiup affaani kingullermi sammissassaqaartitsinerit naammassineqarsimasut paasissutissiissutigineqarput.

Ukiup affaani kingullermi assigiinngitsunik sammissassaqaartitsisoqarpoq, innuttaasunik qassinilluunniit ukiulinnik peqataatitsiffiusunik. Ilaatigut Innuttaasut Illuat Illorput aamma Eqqumiitsuliorfik Ajagaq sammissassaqaartitsippot, Sermersuumi Nipilersornermik Ilinniarfimmi nipilersornermik ilinniartitsineq, kiisalu Naluttarfik Malimmi nalulluni sammissassaqaartitsinerit. Kulturikkut neqeroorutini Nuummi Eqqumiitsulianik Saqqummersitsivimmi aamma Nuummi Katersugaasivimmi saqqummersitsinerit aaqqissuussallu ilaatinneqarput. Paamiuni Ittoqqortoormiinilu aamma amerlasuunik sammissassaqaartitsisoqarpoq.

Sammissassaqaartitsinerit tamarmik peqataaffigilluarneqarput aamma innuttaasuniit pitsaasumik utertitsiffigineqarput. Tamassuma Sammissassaqaartitsinermit Kulturimullu kommunimut ineriartortitsiinnarnissamut neqeroorutaanut tapertaavoq. Sammissassaqaartitsinerik tamakkiisumik takussutissiaq ilanngussamiippoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kulturikkut ingerlatsineq sunngiffimmilu sammissassaqaartitsineq pillugit Inatsisartut inatsisaat nr. 5, 6. juuni 2016-imeersoq

### **Ilanngussat**

1. Sammissassaqaartitsinermit Kulturimullu Immikkoortortamut ukiup affakkuutaartumik ilisimatitsissut 2024

## **Punkt 6: Najukkami Tapiissuteqartarfiup 2024-mi aningaasaliissutinik atuinera**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliniutit akuerisat takussutissartaat



## Najukkami Tapiissuteqartarfiup 2024-mi aningaasaliissutinik atuinera

Ilisimatitsissut

SagsID.: EMN-2024-02664

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumi 2024-mi najukkami, piujuartitsisunik pitsaaliuineremullu aallarniutaasinnaasunik siuarsaanissaq aamma ataatsimuulersitsisunik sammisassaqaartitsisarnerit aalaakkaanerunissaat siunertaralugu 2024-mut missingersuutit pillugit isumaqatigiisummi 2,5 mio. kr.-nik immikkoortitsisoqarpoq.

2024-mi Najukkami Tapiissuteqartarfik assigiinngitsorpasuumik suliniutinik sammisassaqaartitsiniutinillu 29-nik tapiissuteqarpoq. Pingasut minillugit sinneri tamarmik massakut nalunaaruteqareersimapput. Aningaasaliissutit ilaatigut meeqqanut inuusuttunullu isiginnaartitsinernut workshopertitsinernullu, innuttaasunut eqqumiitsuliornermik workshopertitsinernut, meeqqat atuarfinni atuartunut pinngortitamut angalaarnernut, tusarsaartitsinernut, oqalugiarnernut, inuusuttunut namminneq piumassutsiminnik suliaqartunut mentorinngorniartitsinernut aamma kalaallit ileqqutoqaat pillugit atuartitsinernut atorneqarput. Suliniutit taakku assigiissutigaat najukkami inuiaqatigiinnik nukittorsaasuullutillu innuttaasut nutaanik sammisassaqaalernissaannut ammaassisuummata.

Ilanngussaq 1-imi Najukkami Tapiissuteqartarfiimmit suliniutit aallarnisaatillu tamakkiisumik takussutissartaat takuneqarsinnaavoq.

Aningaasaateqarfik pillugu saqqummiussinermi aqutsinermilu sapinngisamik tamanut aningaasaliissutinik qinnuteqarsinnaanermut periarfissaq pillugu paasititsiniaaneq pingaartinneqarpoq. Tamatuma saniatigut ingerlatsivimmit qinnuteqartunut aningaasaliissutinik ujartuisarnermik misilittagaqaqanngitsunut siunnersuinissaq tapersersuinissarlu immikkut eqqumaffigineqarpoq. Nuummit, Paamiunit, Tasiilamiillu, taakkunanngalu Nuummeersut amerlanersaallutik, qinnuteqartoqarpoq. Eqqumiitsuliornermut kulturimullu tunngasunik qinnuteqartut amerlaqaat.

### Ingerlatsivimmit aningaasatigut sulisoqarnikkullu naliliinerit

Siunertamat aningaasaliissutaasut 2.500.000 koruuninit 2024-mi 2.034.728 koruunit atorneqarput.

Ingerlatsivimmit aningaasaliissutit sivikitsuinnarmik atuuttussaasut suliarinissaat akornuteqarsinnaasoq, tassa nutaamik aningaasaliissutinik pilersitsiniarneq ingerlatsinerlu allaffissornikkut suliaqarnermik piumasaqaatitaqartarmat - tassunga ilanngullugu piumasaqaatinik, ingerlatitseqqiinermik, siunnersuinermik, sullissinermik nalunaarusiornermillu suliaqarnermik. Tamatuma saniatigut aningaasaliissutit pillugu paasititsiniaaneq sivisusinnaavoq, suliniutillu arlallit itigartitsissutigineqartariaqartarput sammisassaqaartitsiniutaat 2025 ilanngullugu



sivissuseqarsinnaasarmata, tamannalu aningaasaliissutitut killissarititaasut malillugit periarfissaanngilaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatillit**

- 2023 - 2025-mut Suleqatigiinnissamik isumaqatigiissut
- 2024-mut missingersuutitut isumaqatigiissut
- Najukkami tapiissuteqartarfik pillugu malittarisassat

### **Ilannussat**

1. Suliniutit akuerisat takussutissartaat

## **Punkt 7: 2024-mi imminut toqunnissamik pinaveersaartitsinermut aningaasanik atuineq**

### **Beslutning**

Ilisimatitsissut tusaatissatut tiguneqarpoq.

### **Bilag**

2024-mi imminut toqunnissamik pinaveersaartitsinermut aningaasanik atuisimanermut nalunaarsuutit



## 2024-mi imminut toqunnissamik pinaveersaartitsinermut aningaasanik atuineq

Ilisimatitsissut

SagsID.: EMN-2024-01606

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. suliaq tusaatissatut tiguneqassasoq

### Suliassamik saqqummiussineq

2024-mi missingersuutini kommunalbestyrelsimit kommunimi sulisut imminut toqunnissamik pinaveersaartitsinermik ilinniagaqarnissaannut 3,5 mio. koruuninik immikkoortinneqarput. Matumuuna aningaasat qanoq atorneqarsimanerat pillugit ilisimatitsissutigineqarput.

Ineriartortitsinermut, Peqqissutsimik siuarsaanermut pitsaaliuinerimullu immikkoortortamit Paarisa aamma Innuttaasut Peqqissusiannik Ilisimatusarfik imminut toqunnissamik pinaveersaartitsinermut atatillugu suleqatigineqarput. Nuna tamakkerlugu imminut toqunnissamik pinaveersaartitsinermut periusissiaq Qamani tunngavigineqarpoq. Toqqaannartumik aamma toqqaannangitsumik imminut toqunnissamik pinaveersaartitsinermik suliaqartoqarsinnaavoq. Toqqaannangitsumik imminut toqunnissamik pinaveersaartitsineq assersuutigalugu tassaasinnaavoq, ataatsimoorfinnut peqqinnartunut peqataatitsisunullu aamma eqqarsartaatsikkut peqqissuunermut pitsaasumik najoqqutassiornissap qulakkeernissaa. Toqqaannartumik pinaveersaartitsineq tassaasinnaavoq, sulisut piginnaasaannik ineriartortitsineq, taamaalilluni innuttaasunut imminut toqunnissaminut ulorianartorsiortunut ilaqutaasunullu ikiuisinnaalissammata.

2024-mi aningaasat kommunimi ingerlatsivinni assigiinngitsuni sulisunik innuttaasunik qanimut sullitaqartut piginnaangorsarneqarnerinut annerusumik atorneqarput. Najukkani pikkorissarnerit Tasiilami, Nuummi, Ittoqqortoormiini Paamiunilu ingerlanneqarput. Taakkua saniatigut aningaasat imminut toqunnissamik pinaveersaartitsiviusunut meeqqanut inuusuttunullu sammitinneqartunut atorneqarput (ilanngussaq 1 takuuk).

### Unammillernartut innersuussutigineqartullu

Pikkorissarnerit peqataatitsinissamat unammillernarsimavoq, amerlasuut sammineqartoq artornartutut killisissaanngitsutullu isumaqartikkamikku. Utertitsiffiginninnerit arlallit takutippaat, pikkorissarnerit pissutsit illersuutaasut qitiutillugit ingerlanneqartarpata pilerinarnerussasut. Taamaattumik Meeqqanut Atuarfeqarnermullu Ingerlatsivimmit innersuussutigineqarpoq, najukkani ataasiakkaani nukittuffiit naleqartitallu qitiutillugit pikkorissartitsisarnissaq sammisassanilluunniit ingerlataqartarnissaq siumut isumaliutigineqartalissasut. Pissutsit illersuutaasut aallaavigalugit siunissami suliniutaasuni uku ukkatigineqarsinnaapput: Ilaqutariinni attaveqatigiinnernik patajaallisaaneq, kulturikkut attaveqarneq aamma utoqqarnut ataneq, kulturimik naleqartitanillu tunngavilinnik ataatsimoorfinnik peqataatitsinerit kiisalu pinngortitaq aallaavigalugu sammisaqartitsinerit.

### Ingerlatsivimmit aningaasatigut sulisoqarnikkullu naliliinerit

Kommunalbestyrelsimit 2024-mut missingersuutinut 3,5 mio koruunit akuersissutigineqarput. 2024-mi TB2-imut atatillugu 1,7 mio koruunit utertinneqarput, piffissami tassani aningaasat tamaasa



atornissaannut angumersinnginnissaq ilimagineqarmat. Ukiup naanerani 1,5 mio koruunit atorneqarsimapput taamaalillunilu 300.000 koruuninik atuinikinnerusoqarluni. Aningaasat ukioq naanngitsoq atorneqarnissaat ingerlatsivimmut piffissaq eqqarsaatigalugu unamillernarsimavoq. Aningaasat akissarsianut matussusiisussaannngimmata, sammisassat sulisunit pioreersunit kiisalu namminersortunit ingerlanneqarput. Taakkua saniatigut pikkorissartitsinernik attuumassuteqartunik neqeroorutit suleqatigisartakkallu killeqarput. Siunissamut innersuussutigineqarpoq, ukiumoortumik aningaasaliinani ataavannerusumilli iliuseqartoqassasoq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatillit**

- 2024-mut missingersuutit pillugit isumaqatigiissut
- Inuit Ataqaatigiit aamma Demokraatit akunnerminni suleqatigiinnissamik isumaqatigiissutaat 2023 - 2025
- Qamani – Imminut toqunnissamik pinaveersaartitsineq pillugu periusissiaq 2023-2028

### **Ilanngussat**

1. 2024-mi imminut toqunnissamik pinaveersaartitsinermut aningaasanik atuisimanermut nalunaarsuutit

## **Punkt 8: Ukioq atuariusoq 2023/2024 pillugu atuariit ataatsimoorlutik pitsaassuseq pillugu nalunaarussiaat**

### **Beslutning**

Ilisimatitsissut tusaatissatut tiguneqarpoq.

### **Bilag**

Ukioq atuariusoq 2023-24 pillugu atuariit ataatsimoortumik pitsaassuseq pillugu nalunaarussiaat



## **Ukioq atuarfiusoq 2023/2024 pillugu atuariit ataatsimoorlutik pitsaassuseq pillugu nalunaarusiaa**

Ilisimatitsissut

SagsID.: EMN-2025

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

### **Suliassamik saqqummiussineq**

Atuarfeqarnermut immikkoortortamit ukiut tamaasa Inatsisartut inatsisaat nr. 15, 3. decembari 2012-imi § 49 naaportorlugu kommuneqarfimmi atuariit assigiinngitsut akornanni ataatsimoorussamik pitsaassuseq pillugu nalunaarusiortoqartarpoq. 2023/2024-mut pitsaassutsimut nalunaarusiami inernerit nikerartut takuneqarsinnaavoq.

3. klassini alloriarfinni misilitsinnerni ukiup siulianut sanilliullugit kalaallisut siuariartoqarsimasoq, qallunaatut matematikkilu kinguariaateqartoqarsimasoq takuneqarsinnaavoq. 7. klassini ataatsimut isigalugit fagini tamani kinguariaateqartut takuneqarsinnaavoq, pingaartumik kalaallisut Nunatsinni kommunini tamani maanna Kommuneqarfik Sermersuumi appasinnerpaapput. Taamaattorli danskisut tuluttullu angusat qaffasissut attanneqarput, sulii Nunatsinni qaffasinnerpaat ilagaat. Tamanna 10. klassit inaarutaasumik misilitsinerat takutippaat. Tassani kalaallisut siuariaateqarput, angusalli Nunatsinni sulii appasinnerpaapput. Atuartulli qallunaatut, matematikkimi pingaartumillu tuluttut Nuna tamakkerlugu agguatigiissillugit qaffasinnerusumik angusaqarput. Atuarfinniit pilersaarutit nalunaarutigineqartut tunngavigalugit inaarutaasumik atuartut 32 %-i Danmarkimi efterskolerlutik aallartinnissartik naatsorsuutigaat, taamaallaallu 3 %-it inuussutissarsiutiginiarlugu ilinnarfimmik aallartinnissartik siunniussimagaat. 11 %-it ilinniarnissamik sulilernissamilluunniit naatsorsuuteqanngillat.

Atuariit atugarissaarnissaq aamma atuagarsornermi ingerlalluarneq pillugu suliniuteqarnertik nangissavaat. Atuagarsornikkut inooqataanikkullu tapersersuineramik ingerlataqarneq sulissutigineqartarpoq - tassunga ilanngullugit ilaqutariit klassiat, mentoreqartitsisarneq aamma ilinniartitsisunut anguniagaqarlutik matematikkernermik ingerlataqarneq. Ilinniartitsisut 89 %-i ilinniarsimasuupput, kommuneqarfimiillu ilinniaqqinnissaq salliunneqarpoq, pingaartumik matematik eqqarsaatigalugu. Nalunaarusiaq suliniutinik ineriartortitsinermillu suliniutinik assigiinngitsunik imaqarpoq, tassunga ilanngullugit alisissumit ilinniartitsineq, mentoreqartitsineq, atuariit inuussutissarsiuteqartullu suleqatigiinnerat Qaqisa, atuarfimmi akeqanngitsumik nerisaqartitsineq kiisalu nunat tamalaat akornanni Erasmus-imut aamma Nord+-ip suliniutaannut peqataasarneq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**



- Atuarfik pillugu Inatsisartut inatsississaattut siunnersuut nr. 15, 3. decembari 2012-imeersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. decembari 2017-imeersoq
- Atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersorlutik Oqartussat nalunaarutaat nr. 38, 27. juuli 2023-meersoq

### **Ilangussat**

1. Ukioq atuariusoq 2023-2024 pillugu atuariit ataatsimoorlutik pitsaassuseq pillugu nalunaarusiaat

## **Punkt 9: Kommuneqarfik Sermersuumi ataatsimoortunik atortussanik pilersitsineq**

### **Beslutning**

Oqaluuserisassaq oqaluuserineqarpoq.

### **Bilag**

Sisorarfimmi majuartaat - Atortunik attartortitsinermik misilittakkat

Sukuutserta - Atortunik attartortitsinermik misilittakkat



## **Kommuneqarfik Sermersuumi ataatsimoortunik atortussanik pilersitsineq**

Oqaluuserisassaq

SagsID.: EMN-2025-01259

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ingerlatsivimmit naliliineq misilittakkallu katersorneqarsimasut tunngavigalugit kommuneqarfik attartortitsisarnermik aaqqiissuteqarnissaa pillugu isiginiarneqarsinnaasut assigiinngitsut pillugit ataatsimiititami oqaluuserineqassasq

### **Suliassamik saqqummiussineq**

Meeqqanut, Ilaqutariinnut Atuartitaanermullu Ataatsimiititaasimasumi ulloq 17. oktobari 2024 ataatsimiinnermi meeqqat peqatigiiffinni peqataasarnerat pitsaanerulersinniarlugu aamma ilaqutariinnut aningaasatigut aporfusinnaasut annikillisarinarlugit tapiissutinut malittarisassanut allannguutissatut siunnersuut suliarineqarpoq. Tassunga atatillugu kommuneqarfik nammineq attartortitsinermik aaqqiissuteqarnikkut atortunik atukkiisarnissaanut periarfissat misissorneqarnissaat kissaatigineqarpoq.

Taamaattumik ingerlatsivimmit illoqarfimmi peqatigiiffiit marluk atortunik attartortitsisartut misilittagaat paasinarneqarput. Peqatigiiffiit taakku marluullutik illoqarfimmiunit tapersorsorneqarluarneq misigisarpaat, tassungali ilanngullugit nalunaarsuineranut atortorissaarummik amigaateqartarnek, atortut sukkasuumik nungullariartortarnerat, ininik atugassarititaasut naammanngitsut ulluinnarnilu allaffissornikkut sulisoqarnikkullu pisariaqartitsineq ajornartorsiutaangaatsiartarput.

Kommuneqarfimmi attartortitsinikkut aaqqiissut unammillersinnaanermut tunngasut pillugit apeqqusernarsinnaavoq, kommuneqarfimmi tunngaviumik namminersortut ingerlataannik qalliisunik ikiorsiissutinik neqerooruteqarsinnaatitaanngilaq. Inatsisitigullu akuerineqarsinnaavoq siunertaq inooqataanermut tunngappat, sullinniakkat killeqarpata -soorlu meeqqat inuusuttullu ilungersunartumik atugaqartut - aaqqiissullu suliniuteqartunik pioreersunik inangiinngippat.

### **Ingerlatsivimmit aningaasatigut sulisoqarnikkullu naliliinerit**

Taakku misilittakkat tunngavigalugit ingerlatsivimmit kommuneqarfimmi attartortitsinermik aaqqiissuteqarneq pilersikkuminaassinnaasoq sulisunillu, teknologiimullu tunngasunik, atortunik ininillu annertuumik aningaasaliisoqanngippat aserfallatsaaliuinissaq ajornakusoorsinnaasoq nalilerneqarpoq. Naak kommuneqarfimmi attartortitsinermik aaqqiissut eqqortunik aaqqiissuteqarnikkut sulisoqarnikkullu aningaasaqarnikkullu tunngaveqarluartunik pilersinneqarsinnaagaluarpata aaqqiissutinit pioreersunit misilittakkat takutippaat, sulisoqarnikkut, aningaasaqarnikkut, teknologiimik, atortoqarnikkut aamma ininik peqarnikkut, patajaatsumik attanneqarsinnaasumillu ingerlatsineq qulakkeerniarlugu annertuumik suliniuteqartoqartariaqartoq.



## **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat
- Imaqarniliaq 17. oktobari 2024-meersoq – MIAA Meeqqanut, Ilaqutariinnut Atuarfeqarnermullu Ataatsimiititaq
- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5 6. juuni 2016-imeersoq aamma timersorneq timigissarnerlu pillugit Inatsisartut inatsisaat nr. 15 6. juuni 2016-imeersoq
- Illoqarfiit pingaarnersaat pillugu perusissiaq
- Inuuneritta III

### **Ilanngussat**

1. Sisorarfimmi majuartaat - Atortunik attartortitsinermik misilittakkat
2. Sukuutserta - Atortunik attartortitsinermik misilittakkat

## **Punkt 10: Kommuneqarfik Sermersuumi sammisassaqartitsinermut allagartamik pilersitsineq**

### **Beslutning**

Inassuteqaat akuersissitigineqarpoq.



## **Kommuneqarfik Sermersuumi sammisassaqaartitsinermut allagartamik pilersitsineq**

Aalajangiiffigisassaq  
SagsID.: 2022-00224

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. Ataatsimoorussamik suliniummik aallartitsisoqassasoq, misissueqqissaarnermik aallartitseriarluni misiligummik suliniummik kinguneqarluni, siunissami sammisassaqaartitsinermut allagartassatut ilusissamik saqqummiinissaq anguniarlugu

### **Suliassamik saqqummiussineq**

Meeqqanut, Ilaqutariinnut Atuarfeqarnermullu Ataatsimiititaasimasumi ulloq 17. oktobari 2024 ataatsimiinnermi meeqqat peqatigiiffinni peqataasarnerat pitsaanerulersinniarlugu aamma ilaqutariinnut aningaasatigut aporfusinnaasut annikillisarinarlugit tapiissutinut malittarisassanut allannguutissatut siunnersuut suliarineqarpoq. Tassunga atatillugu sammisassaqaartitsinermut allagartamik pilersitsinissamik periarfissaqarnerasoq paasiniallugu ataatsimoorussamik misissueqqissaarnissamik aamma misiligummik suliniummik aallartitsinissamik kissaateqartoqarpoq.

Sammisassaqaartitsinermut allagartaqaartitsineq kommuneqarfimmi ingerlanniarneqareernikuuvoq, siunertaatulli iluatsissimanani. Atuisussalli eqqortumik anguniarneri aamma kikkut pineqassanersut killilerneqarnissaa unamminarsimavoq, pisariitsumik attaveqatiginnissap qulakkeernissaa kiisalu aaqquissuussamut aningaasartaanik ingerlatsiniarneq ajornartorsiorfiusimapput.

Nunani allani misilittakkat takutippaat, sammisassaqaartitsinermut allagartamik assingusumik aaqquissuussinerit najukkami pissutsinut naleqqussarniarnermi pitsanngorsaaniarluni iluarsiissuteqarfiujuartariaqartartut. Sammisassaqaartitsinermut allagartamik attanneqarsinnaasumik aaqquissuteqarnissaq qulakkeerniarlugu ingerlatsivimmit kommuneqarfiup pisariaqartitai tunngavigalugit ilutsimik siunnersuuteqarnissaq siunertarlugu siullermik misissueqqissaarnissamik ingerlatsisoqarnissaa siunnersuutigineqarpoq. Misissueqqissaarnerq tunngavigalugu misiligummik suliniut aallartinneqassaaq, taannalu nalilersorneqarlunilu iluarseqqaarlugu siunissami sammisassaqaartitsinermut allagartassaq inaarutaasumik siunnersuutigineqassaaq.

Nunat assigiingitsut akornanni periuseq taanna sunngiffimmi sammisassaqaartitsisarnermi pisariaqartuusoq misilittakkat takutippaat. Misissuinerup aamma misiligummik suliniuteqarnerup nalaanni soqutigisalinnik attuumassuteqartunik oqaloqatiginnittarnerit pisassapput, tassunga ilaassallutik peqatigiiffiit, meeqqat angajoqqaallu, taamaaliornikkut aaqquissuussap sapinngisamik attuumassuteqartuunissaa piuminartuunissaalu qulakkeerniarlugu. Misiligummik suliniut atuutilersinneqassappat tamanna pinnginnerani naleqqussaasoqarniassammat nalilersorneqallattaasassaaq.

Tapiissuteqartarnermut malittarisassat siunissami sammisassaqtitsinermut allagartaqtitsinissamut aalajangiinermut sunnerneqarsinnaanerat pillugu maannakkut allannguutaasut tassunga atasumik akuersissutigineqarnissaat innersuussutigineqarpoq. Sammisassaqtitsinermut allagartamut tunngasoq inaarutaasumik akuerineqarneratigut tapiissuteqartarnermut malittarisassat allanngortittariaqarneranik piumasaqaatitaqassappat kingornatigut taakku saqqummiunneqarumaarput.

### **Ingerlatsivimmit aningaasatigut sulisoqarnikkullu naliliinerit**

Misiligummik ingerlatsinissamut qinnuteqarnerup pinnginnerani paasissutissanik suliaqarnissamut aningaasartuutit Sammisassaqtitsinermut Kulturimullu Immikkoortoqarfiup nammineq missingersuutaasa iluini matussuserneqassappat.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqtigiit aamma Demokraatit suleqatigiinnissamik isumaqatigiissutaat
- Illoqarfiit pingaarnersaat pillugu periusissiaq
- Inuuneritta III

### **Ilanngussat**

1. Institute for Social Research - Open Archive. (2022). Sunngiffimmi sammisassaqtitsinernik misileraanermi malinnaaffiginnilluni ilisimatusarneq nalilersuinerlu: Inaarutaasumik nalunaarusiaq. [Institute for Social Research - Open Arcive](#): Sunngiffimmi sammisassaqtitsinernik misileraanermi malinnaaffiginnilluni ilisimatusarneq nalilersuinerlu: Inaarutaasumik nalunaarusiaq

## **Punkt 11: Tapiissuteqarnermut malittarisassanut allannguinissamut siunnersuut**

### **Beslutning**

Inassuteqaat akuersissutigineqarpoq.

### **Bilag**

Tapiissuteqarnermut malittarisassanut siunnersuut\_18092024



## **Tapiissuteqarnermut malittarisassanut allannguinnessamut siunnersuut**

Kulturikkut ingerlatsinerup sunngiffimmilu sammisassaqaartitsinerup iluanni

Aalajangiiffigisassaq

SagsID.: EMN-2024-03553

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. siunnersuut akuerineqassasoq
2. suliaq Aningaasaqarnermut Inuussutissarsiornermut Ataatsimiititamut Kommunalbestyrelsimullu akuersissutigisassanngorlugu ingerlateqqinneqassasoq

### **Suliassamik saqqummiussineq**

Tapiissuteqarnermut malittarisassanut allannguinnessamut siunnersuutit ataatsimiinnermi 17. oktober 2024-imi pisumi Meeqqanut, Ilaqutariinnut Atuarfeqarnermullu ataatsimiititaliaasimasumi suliarineqarput. Immikkoortoq § 1.3 akuerineqanngimmat ingerlatsivik suliakkerneqarpoq siunnersuutit iluarsaaneqariarlutik nutaamik nassiussissasut, siunnersuutit sinneri akuerineqarput.

Meeqqanut Atuarfeqarnermullu Ingerlatsiviup qulaani eqqaaneqartunut aammalu Suleqatigiinnissamut isumaqatigiisummut 2025-2029-meersoq tunngavigalugu matumuuna saqqummiuppaa tapiisarnermut malittarisassanut siunnersuut. Meeqqanut Atuarfeqarnermullu tapiissutit malittarisassat atuuttut allanngortinnissaannut suliniuteqarpoq, ilaatigut siunertarineqarpoq meeqqat 18-iliisimanngitsut amerlanerit peqatigiiffinni sammisassanut peqataasarnissaannut periarfissaqarnissaat qulakkeerneqassasoq. Siunnersuutit ilanngussami orangemik nalunaaqutserneqarsimasut allannguutinik imaqarpoq.

Maanna siunnersuut §1.3 iluarsisaq nutaatut aaliangiiffigisassanngorlugu saqqummiunneqarpoq: Sammisaraqarnermi aqqqissuussanut tamanut ataatsimoorfiusunut peqataasinnaaneq annertusarlugu, meeqqanut 18-iliinngitsunut ilaasortaanermut akiliutit annikinnerpaaffissaanniitineqarnissaat imaluunniit akeqanngitsumik peqataasinnaanissaat peqatigiiffinnut kaammattuutigineqarpoq.

Allannguut akuerisaq: § 2-mi allannguut - Aningaasanik agguaassineq: Aningaasaliissutit 2, siusinnerusukkat taagorneqartoq 'Sakkortuumik Timersorneq', atorunnaarsinneqarpoq 'Inunnut immikkut pisariaqartitsisunut akuutitsilluni sammisassanut tapiissutit'-millu taarsiunneqarluni. Taanna allannguut ullutsinnut naleqqunneruvoq Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersumullu naleqquttuulluni.

### **Ingerlatsivimmit aningaasatigut sulisoqarnikkullu naliliinerit**

Siunnersuummut tunngatillugu aningaasaqarnikkut kinguneqassanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq



### **Inatsisitigut tunngavissaq allakkallu tunngaviusumik uppersaatiillit**

- Kommuneqarfik Sermersuumi kommunalbestyrelsimi 2025-miit 2029-mut Inuit Ataqatigiit aamma Demokraatit suleqatigiinnissamik isumaqatigiissutaat
- Imaqarniliaq 17. oktobari 2024-meersoq – MIAA Meeqqanut, Ilaqutariinnut Atuarfeqarnermullu Ataatsimiititaq
- Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5 6. juuni 2016-imeersoq
- Timersorneq timigissarnerlu pillugit Inatsisartut inatsisaat nr. 15 6. juuni 2016-imeersoq
- Meeqqanik pinerliisimanginnermut uppersaatinik piumasaqaateqartussaataaneq pillugu Inatsisartut inatsisaat nr. 8 19. Maaji 2010-meersoq
- Inuuneritta III

### **Ilangussat**

1. Tapiissuteqarnermut malittarisassanut siunnersuut\_18092024

## **Punkt 12: Ukiumi atuarfiusumi 2025/2026-mi ilinniartitsisunik pisariaqartitsinerup misissuiffigeqqissaarnera**

### **Beslutning**

Inassuteqaat akuersissutigineqarpoq.

### **Bilag**

2025-2026-mi ilinniartitsisunik pisariaqartitsinerup misissuiffigeqqissaarnerani takussutissiaq



## Ukiumi atuarfiusumi 2025/2026-mi ilinniartitsisunik pisariaqartitsinerup misissuiffigeqqissaarnera

Aalajangiiffigisassaq

SagsID.: EMN-2024-00193

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqtariinnut Atuartitaanermullu Ataatsimiititamut inassutigineqarpoq:

1. ukiumi atuarfiusumi 2025/2026-mi atuarfeqarnermut tunngasuni akunnerit ataatsimut suliffiusussatut naatsorsuutigineqartut akunnerit 849.531-t akuersissutigineqassasut
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Atuarfimmud tunngasuni ilinniartitsisunik pisariaqartitsinerup misissoqqissaarnerani atuarfiit ukiumi atuarfiusussami tullermi atuartitsinermik ataatsimoortumik ingerlatsinera takutinneqarpoq. Tamanna tunngavigalugu ataatsimut akunnerit atorneqartussat kiisalu ilinniartitsisunut atorfiit amerlassusaat paasinarsinneqarput. Ukiumi atuarfiusumi 2025/2026-mi ilinniartitsisunik pisariaqartitsinerup misissuiffigeqqissaarneqarnerata aappaa naatsorsuutit malillugu atuarfiit aamma nunaqarfiit atuarfiini 16-ini atuartut 2.850-it agguataarsimassapput. Klassit 152-it pilersinneqarnissaat naatsorsuutigineqarpoq, ukiup siulianut sanilliullugu ataatsimik amerlanerullutik. Peqatigitillugu immikkut atuartitsivinni klassit amerlassusaat qaffariaateqarpoq, 37-niit 44-nut. Atuartut ukiumi atuarfiusumi 2024/2025-miit ataatsimut amerlassusiat 94-inik amerleriaateqarpoq.

Akunnerit ataatsimut atorneqartussatut naatsorsuutigineqartut 849.531-usut ilinniartitsisut atorfinik 402-nik naleqarput. Ukiumut atuarfiusumut kingullermut tunngatillugu tamanna akunnernik 19.033-nik qaffariaateqarpoq. Taamatut ineriartortoqarnera ilaatigut atuartut amerlanerulernerannik aamma assigiinngisitaartumik atuartitsinissamik pisariaqartitsisoqarnerulerneranik, immikkut perorsaanerup iluani ikiorsiissutinik kiisalu aqutsinermi suliatigullu ataqatigiissaarinerulerneranik atuuffinnik annertusisanik pissuteqarpoq.

### Ingerlatsivimmit aningaasatigut sulisoqarnikkullu naliliinerit

Ukiumi atuarfiusumi 2025/2026-imi ilinniartitsisunik pisariaqartitsinnerup misissuiffigeqqissaarneqarnera tunngavigalugu, Meeqqanut Atuarfeqarnermullu Ingerlatsivik naliliivoq, atuarfeqarnermut tunngasunut aningaasaliissutit ilinniartitsisunut 9-nut tunniunneqassasut. Pissutaasut ilaatigut ulloq naallugu atuarfiup ammarneqarnera, taanna immikkut klassinik amerlanerusunik pilersitsinermik kinguneqarpoq, tassanilu marlunnik ilinniartitsisoqarnissaa piumasarineqarpoq, kiisalu atuartut amerlassutsimikkut amerleriaateqarnerannik, klassit amerlineqarnerannik, immikkut ittumik atuartitsinernik, atuarfiup tammaarsimaartitsisarneranik aamma ikorfartorteqarnissamik pisariaqartitsinermik.

### Missingersuusionermut Naatsorsuusionermullu Immikkoortortamit aningaasatigut naliliineq

Missingersuusionermut Naatsorsuusionermullu Immikkoortortaqarfik oqaaseqaatissaqanngilaq.



### **Inatsisitigut tunngavissaq allakkallu tunngaviusumik uppersaatillit**

- Atuarfik pillugu Inatsisartut inatsisaat nr. 15, 3. decembari 2012-imeersoq pillugu Namminersorlutik Oqartussat nalunaarutaat nr. 19, 27. aprili 2023-meersoq
- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. decembari 2017-imeersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januaari 2009-meersoq
- Kalaallit Nunaanni meeqqat atuarianni ilinniartitsisut il.il. akunnernut suliffissaannut isumaqatigiissut

### **Ilanngussat**

1. 2025-2026-mi ilinniartitsisunik pisariaqartitsinerup misissuiffigeqqissaarnerani takussutissiaq

## **Punkt 13: Amarngivat Kulusuk – meeqqanut inuusuttunullu ornittagaq**

### **Beslutning**

Inassuteqaat itigarsissutigineqaroq, suliarlu ingerlatsivimmut utertillugu.

### **Bilag**

Iluarsartuussinissamut qinnuteqarneq pillugu suliffimmut maili.

## **Amarngivat Kulusuk – meeqqanut inuusuttunullu ornittagaq**

Aalajangiiffigisassaq

SagsID.: EMN-2024-02132

Meeqqanut Ilaqutariinnullu Ingerlatsivik – pisortaq Frederik Lundblad / FREL

### **Inassuteqaat**

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamut inassuteqaatigineqarpoq:

- Kulusummi Amarngivat matuneqarnissaa aalajangiiffigineqassasoq

### **Suliassamik saqqummiussineq**

Kulusummi Amarngivaqarnermi siunertaavoq, meeqqat inuusuttullu toqqisisimanartumi nammineerfissaqarsinnaanissaat

Kulusummi illu B649 Amarngivammik taaguuserneqarsimasoq Red Barnet-imit meeqqanut inuusuttunullu ornittakkatut pilersinneqaaqarpoq. Red Barnet-ip Tasiilami nunaqarfiinilu sulinerata unitsinneqarnerannut atatillugu illu Kommuneqarfik Sermersuumut tunniunneqarpoq.

Kommunimit illup tiguneqarnerata kingorna ornittakkamik ingerlatsinermit pilersaarummut tunngasunik nassaartoqanngilaq. Amarngivat maannakkut ulluinnarni nal. 08:00-imiit 16:00-imut ammasarpoq. Piffissami tassani meeqqat inuusuttullu meeqqerivimmiittarput, atuartarput atuareernerulluunniit kingorna ornittakkamiittarlutik.

Qaqutigoortumik meeqqat marlussuit aggetarput (akunnerup affaaniit akunneq ataaseq tikillugu isersimasartut). Naliliineq naapertorlugu Kulusummi ornittakkamik taamatut ittumik pisariaqartitsisoqanngilaq. Kulusuk taannaavoq, Tasiilap nunaqarfiini isumaginninnermut tunngasutigut saaffiginnittarneq qaqutigoorfiusoq. Ingerlatsivimmi suliassat Kulusummi tassaanerugamik meeqqat inuusuttullu ilaqutariinnut paarsisartunut inissinneqarsimasunut tunngasut.

Illup assut aserfallassimavoq. Sumiiffinni arlalinni immattoornermik ajoqusernerit paasineqarput tassunga ilanngullugu qilaami qullit eqqaanni kusertoqarluni tamannalu qamittoornissamut aamma innaallagissatigut ajornartorsiuteqalersinnaanermut ernumalersitsivoq. Taamatuttaaq illu annertuumik aserfallanneqartariaqarpoq iluarsaanneqartariaqarlunilu. Tamanna pillugu februaarip ulluisa 21-anni 2024-mi suliffimmut nalunaarutiginnittoqarpoq (ilanngussaq 1 naapertorlugu).

Atorfissaqartitsinerup annikinneranik kiisalu illup aserfallassimanera tunngavigalugit innersuussutigineqarpoq, illu matuneqassasoq, aammalu atuisut sunngiffimmi neqeroorutitut pioreersunut innersuunneqassasut.

### **Ingerlatsivimmit aningaasatigut sulisoqarnikkullu naliliinerit**

Matunerata kingunerisaanik sulisut akissarsiaqartut marluk soraarsinneqassapput, ukiumullu katillugit 248.000 koruunit missaannik aningaasartuutunik sipaaruteqartoqassaaq (akissarsiat ingerlatsinermilu aningaasartuutit). Aningaasat taakku Tasiilami Kuummiunilu ornittakkanut sammisut ulloq unnuarlu ingerlanneqartartunut tapersersuinissamut atorluarneqarsinnaapput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq

### **Inatsisitigut tunngavissaq allakkallu tunngaviusumik uppersaatiillit**

- Meeqqat tapersorsorneqarnissaannut Inatsisartut inatsisaat nr. 20, 26. juuni 2017-imeersoq, Namminersorlutik Oqartussat nalunaarutaat nr. 11, 16. marsi 2024-meersoq naapertorlugu.

### **Ilanngussat**

1. Iluarsartuussinissamut qinnuteqarneq pillugu suliffimmut maili.

## **Punkt 14: Lukket**

## **Punkt 15: Lukket**

**Punkt .: Tamalaat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq. nal 10:00